

Cofnodion cyfarfod y **CYNGOR YMGYNGHOROL SEFYDLOG AR ADDYSG GREFYDDOL YNG NGHEREDIGION** a gynhaliwyd drwy fideo-gynadledda ar ddydd Gwener, 12 Chwefror 2021

YN BRESENNOL:

Yn cynrychioli Cyngor Sir Ceredigion: y Cynghorwyr Keith Evans, Lyndon Lloyd MBE, Dai Mason a Lynford Thomas

Yn cynrychioli undebau'r Athrawon: Miss Joyce Howells (NASUWT) (Cadeirydd), Mrs Alwen Roberts (UCAC)

Enwadau Crefyddol: Yr Athro Densil Morgan, Undeb Bedyddwyr Cymru; y Parchedig Aled Jones, Undeb yr Annibynwyr; Yr Athro John Tudno Williams, Eglwys Bresbyteraidd Cymru

Aelodau Cyfetholedig: Dr Catrin Williams

Yn cynrychioli'r Sector Cynradd: Mr Eirwyn Griffiths

Hefyd yn bresennol: Mrs Mary Davies, Rheolwr Corfforaethol – Gwella Ysgolion, Gwasanaeth Ysgolion; Ms Nia Jones, Rheolwr Corfforaethol – Gwasanaethau Democrataidd a Mrs Dana Jones, Swyddog Gwasanaethau Democrataidd a Safonau

(1:00pm-2:25pm)

1. Gweddïau

Dechreuodd y Cyfarfod gyda'r Parchedig Aled Jones yn arwain y Pwyllgor mewn gweddi.

2. Ymddiheuriadau

Ymddiheurodd y Parchedig Mark Ansell am nad oedd modd iddo fod yn bresennol yn y cyfarfod.

Rhoddodd y Cadeirydd wybod fod llythyr wedi dod i law oddi wrth Mrs Mary Parry yn dweud fod yn rhaid iddi gamu i lawr o'r pwyllgor yn sgil ei hymrwymadau gofal plant a gwaith gwirfoddol. Dymunodd yr aelodau yn dda i Mrs Parry yn y dyfodol.

3. Cadarnhau cofnodion y cyfarfod a gynhaliwyd ar 18 Hydref 2019 ac i ystyried unrhyw faterion sy'n codi ohonynt

CYTUNWYD i gadarnhau bod cofnodion cyfarfod y Cyngor Ymgynghorol Sefydlog a gynhaliwyd ar 18 Hydref 2019 yn gywir.

4. Materion yn codi

Cofnod 6 (b) Aelodaeth y Pwyllgor - Rhoddir cadarnhad ynghylch presenoldeb Anna Uruska fel y cynrychiolydd Catholig yn dilyn y cyfarfod oherwydd dryswch gan y Clerc ynglŷn â'i phresenoldeb a'i chyfeiriad e-bost. Bydd hi'n trafod hyn ymhellach gydag Alwen Roberts a oedd wedi trafod aelodaeth Ms Uruska ar y pwyllgor yn wreiddiol.

5. Ystyried y materion canlynol:

(a) Y diweddaraf yn lleol a chenedlaethol – Mary Davies

Rhoddodd y Rheolwr Corfforaethol - Gwella Ysgolion, gyflwyniad i'r Aelodau o ran Adolygu cyfrifoldebau a'r diweddaraf.

- Cyfrifoldebau Lleol
- Rôl eang CYSAG
- Dyletswyddau CYSAG
- Rolau a chyfrifoldebau
- Datblygiadau Cenedlaethol
- Addysg Grefyddol a'r Cwricwlwm Newydd i Gymru
- Fframwaith Addysg Grefyddol
- Adroddiad Blynyddol

Ystyriwyd yn fanwl Adroddiad Blynyddol drafft 2019-20 fel y'i cyflwynwyd. Ar ôl trafod CYTUNWYD i:

(i) gywiro'r teitlau anghywir a roddwyd yn yr adroddiad ar gyfer sawl Aelod, fel y trafodwyd;

(ii) gwahodd y Parchedig Wyn Thomas neu'r Parchedig Melda Grantham, ar ran yr Undodiaid, i ymuno â'r pwyllgor fel Aelod Cyfetholedig;

(iii) gwahodd Mr Talat Chaudhri i ymuno fel Aelod Cyfetholedig gan gynrychioli'r ffydd Fwslimaidd; a

(iv) diwygio'r adroddiad gyda chywiriadau yn (i) a'i ddsbarthu i'r Aelodau drwy e-bost er mwyn ei ystyried ymhellach ac i gael adborth. Fe'i dychwelir i'r Rheolwr Corfforaethol - Gwella Ysgolion o fewn wythnos i'r e-bost hwnnw.

(b) Denu disgyblion i astudio Addysg Grefyddol ar lefel TGAU a Safon Uwch

Rhoddwyd cyflwyniad i'r Aelodau ar ddenu disgyblion i astudio Addysg Grefyddol ar lefel TGAU a Safon Uwch.

CYTUNWYD i nodi'r cynnwys a'r ffyrdd ysbrydoledig o annog disgyblion i astudio'r pwnc. Hefyd rhoddwyd y diweddaraf am y sefyllfa ynghylch canlyniadau arfaethedig TGAU a Safon Uwch ar gyfer yr haf.

Hefyd mynegwyd pryderon gan Aelodau ynghylch iechyd meddwl disgyblion yn ystod y cyfnod anodd hwn. Adroddwyd bod gan bob ysgol weithdrefnau cryf ar waith i fynd i'r afael â'r mater hwn; y cysylltir yn rheolaidd â phob disgybl a bod gwasanaeth cwnsela ar gael hefyd.

6. Dyddiad y Cyfarfod Nesaf

Cytunwyd y byddai dyddiad y cyfarfod nesaf - yn yr Haf - yn cael ei drefnu yn dilyn y cyfarfod. Nodwyd y byddai cyfarfod cyffredin o'r CYSAG yn cael ei drefnu ynghyd â chyfarfod a fydd ond yn trafod Maes Llafur Cytunedig newydd Ceredigion.

7. Unrhyw fater arall

Gofynnwyd am eglurhad ynghylch yr adnoddau Addysg Grefyddol sydd ar gael yn dilyn penderfyniad Cabinet Cyngor Sir Ceredigion i dynnu allan o bartneriaeth ERW.

Rhoddwyd gwybod y cytunwyd, ar ôl craffu, fod cael yr adnoddau hyn o ffynhonnell arall yn well yn ariannol na thrwy ERW.